

簡要濟眾治頭瘡

大笋殼葉燒為灰量瘡大小用灰調生油傳入少膩粉佳

治為熊虎爪牙所傷毒痛方第五十三

葛氏方燒青布以燻瘡口毒即出仍煮葛根令濃以洗瘡搗乾

葛根末以煮葛根汁服方寸七日五夜一則佳

又方嚼粟塗之姚同

又煮生鐵令有味以洗瘡上姚同

凡猛獸毒蟲皆受人藥氣將入山草宜先禁之其經術云

到山下先閉氣三十五息存神仙將虎來到吾前乃存吾肺

中有白帝出把虎兩目塞吾下部又乃吐肺氣白通冠一山

道藏輯要

肘後備急方

奎

虛集十一

林之上於是良久又閉氣三十五息兩手捻都監目作三步
步皆以右足在前乃止祝曰李耳李耳圖汝非李耳耶汝盜
黃帝之犬黃帝教我問汝汝答之云何畢便行一山之虎不
可得見若逢之者目向立大張左手五指側之極勢跳手上
下三度於跳中大嚼咄虎北斗君汝去虎即走止宿亦先四
向如此又燒牛羊角虎亦不敢近人又搗雄黃紫石縫囊貯
而帶之

附方

蘇頌方治虎傷人瘡

但飲酒常令大醉當吐毛出